



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Concordia. Pia Et Vnanimi Consensv repetita Confessio
fidei & doctrinæ Electorvm, Principvm Et Ordinvm Imperii,
atq[ue] eorundem Theologorum, qui Augustanam
Confessionem amplectuntur**

Lipsiæ, 1606

Articvlvs I.

urn:nbn:de:hbz:466:1-35443

Articuli, sed neq; tām paucis verbis satis significanter possunt exprimi. Verū tamē vt quām facilimē & simplissimē comprehendantur, veluti pueris tradendi sunt: totum fidei Symbolū tribus tantūm principalibus Articulis complectemur, iuxta tres diuinitatis personas, ad quas omnia, quāe credimus, referuntur & ordinantur: Ita vt Primus Articulus de Deo Patre, creationem explicit, Secundus de Filio, redēptionem, Tertius de Spiritu sancto, sanctificationem. Quasi fides quām breuissimē tot verbis comprehensa esset: Credo in Deum Patrem, qui me creauit, Credo in Deum Filium, qui me liberauit, Credo in Spiritum sanctum, qui me sanctificat. Vnus Deus & vna fides, verūm tres personæ, quare tres etiam Articuli & confessiones. Iam ergo ipsa fidei verba breuiter percurremus.

ARTICVLVS I.

Credo in Deum Patrem, omnipotentem, creatorem cœli & terræ.

Quānam sit Dei Patris essentia, voluntas & opus hisce verbis compendiosissimē adumbratum & propositum est. Cūm enim Decem præcepta docuerint, non esse nisi vnum Deum habendum & colendum: in questionem venire posset, quid Deus esset, quid operis ficeret, quibus deniq; rebus laudandus sit aut depingendus, vt cognoscatur. Hoc iam sequens docet Articulus, fidem nihil aliud esse, quām responſionem quandam & confessionem Christianorum, ad Primum præceptum ordinatam. Velut puer interrogatus à quopiam, Quemnam Deum habes, aut quid de illo compertum tenes? Respondere possit: Primum quidem hoc Deus meus est, videlicet Pater, qui cœlum ac terram condidit. Extra hunc vnum nullum alium Deum esse credo, præter hunc enim nemo est,

Symboli
Apostolici
tres articu-
li precipue.

Pater fons
omnium
beneficio-
rum.

Vnus Deus,
tres perso-
nae.

Primus ar-
ticulus in
Symbolo
complecti-
tur doctri-
nam de Ge-
ra agnitione Det.

qui sua virtute atque potentia cœlum ac terram possunt condere.

Cæterum pro doctis, & qui aliquam Scripture cognitionem sibi parauerunt, iij tres Articuli aliquantum falso & locupletius declarari possunt, inq; tot partes liuidi, quot verbis fidei Symbolum contextum est. Verum in præsentia pro nouitijs scholasticis maximè cognitu necessaria indicasse sufficiat, nempe, hunc articulum, ut diximus, ad rerum creationem pertinere, ut huc verbo innitamus: Creator cœli & terræ. Quid ergo hæc sibi verba volunt, aut his tu significari putas? Credo in Deum Patrem omnipotentem, creatorem, &c. Responsio: Hoc significari puto & credo, me Deum esse creaturam, hoc est, quod ille mihi dederit, quotidieq; alat, sustentetq; corpus, animam, vitam, membra corporis, cum parua, tum magna, omnes sensus, rationem, rationis usum, virtutemq; intelligentiz, ad deinceps cibum & potum, amictum, commatum, uxorem, liberos, familiam, ædes, prædia, &c. Ad hæc, qui omnes creature ad vitæ meæ utilitatem & necessitatem servire mihi sinit, solem, lunam, & sidera cœlestia, diem & noctem, aërem, ignem, aquam, terram, & omnes fructus terræ, quos sua fœcunditate producit, volucres, pisces, & omnia frumentorum & fructuum genera. Insuper, si quæ sunt alia rerum corporalium & temporalium bona, ut est æquabilis Reipub. status & administratio, pax, tranquilla securitas. Ita, ut ex hoc articulo discamus, nostrum neminem vitam, omnisq; alia iam enumerata, & quæ adhuc enumerari possent, a se habere, neq; retinere posse, quamlibet pusillum aut leue fuerit. Hæc enim omnia nomine creatoris comprehensa sunt.

Præter hæc ingenuè quoq; confitemur, Deum Patrem non solum hæc omnia, quæ habemus, possidemus, coramq; oculis intuemur, nobis dedisse, sed quotidie

*Sententia
articulis d.
creatione
ic præsen-
tia Dei su-
stentantis
creaturas.*

Creator.

*Omnipo-
tens.*

etiam eius tutela nos ab omnibus malis atq; periculis custodiri, omnes incommoditates, ruinas atq; discrimina à nobis abigente & propulsante. Quæ omnia mera humanitate & bonitate sua pellectus, nobis immensenib; exhibet, tanquam lenis ac clemens Pater, cui nos curæ sumus, ne quid mali aut aduersi nobis accidat. Verum ea verbosius persequi, ad reliquas duas partes pertinet, vbi dicimus: Patrem omnipotentem.

Ex his iam demonstratis, facile evictum consequitur & colligitur, cùm omnia, quæ possidemus, quæq; in celo & in terra sunt, quotidie a D E O concessa sustententur & custodiuntur: debere nos eundem indefinenter diligere, laudibus extollere, agendisq; gratijs acceptorū benefiorum esse memores, & vt uno verbo dicā, illi prorsus atq; per omnia hisce gratuitò datis munieribus seruire, quemadmodum hoc ipsum decē præceptis à nobis exigit & faciendum præcepit. Iam hic multis dicendum esset, si illustrare id quis vellet, quām pauci sint, qui hunc articulum credunt. Hunc enim omnes præteruolamus, audientes quidem & memorantes, sed nequaquam videntes, aut animo expendenentes, quid ipsa verba nobis non osci: enter aut solumniculose expendum proponant. Quod si enim hæc ex animo crederemus: horum verborum iussa haud dubie capesseremus. neq; tam superbè incederemus, insolenter intumescentes, quasi à nobis in etipis, aut nostra opera partis, vita, diuitijs, potentia, dignitate, honoribus, &c. frueremar, vt alij seruitute nobis obnoxij nos perimescere cogerentur: quemadmodum infelix ac peruersus mundus facitare consuevit, qui in cætitate sua submersus est, omnibus bonis & munieribus divinitus datis tantum ad superbiam, avaritiam, voluptates & delitias, turpissime abutens, neq; Deum vel semel respiciens, vt illi gratias ageret, aut pro Domino ac creatore suo eum agnosceret.

*Creatura
rationalis
debet siccissim
creatori gratitudinem Ego
bedentes
am.*

*Magna Es
turpus in-
gratitudo
omnium
hominum.*

Quocirca hic Articulus omnes nos humiliare a conterrere debebat, si hæc vera esse certò & constanter crederemus: siquidem quotidie vici carnis affectibus, peccamus oculis, auribus, manibus, corpore & anima, opibus atq; diuitijs, breuiter, omnibus rebus, quæcunq; possidemus. Præcipue verò illi, qui etiamnam impietate instigati diuino verbo repugnant ac reluctantur. Veruntamen Christiani hauc prærogatiuam habent, quòd se Deo Creatori suo id debere agnoscunt, ut pro acceptis bonis ipsi seruant atq; obtemperent, id quod mundus facere nescit.

Affiduè
mentibus
atq; oculis
intuenda
testimonia
creationis
& prouidentia.

Prœinde hic articulus nobis quotidie exercendus, invenienti infigendus, & in memoriam subinde reuocandus est, in omnibus, quæcunq; nobis obijciuntur, quando vel bene & feliciter quæ nobis eueniunt, vel quando è periculis & necessitatibus liberati emergimus: sicut Deus hæc omnia nobis largitur & facit, vt in honestis experimentis animaduertentes, discamus paternum eius erga nos animum, & in estimabilem charitatem. Ex hoc certè pectus incalescat, & ad gratiarum actionem promptè agendam mirificè inflammabitur, in omnibus eiusmodi rebus ad Dei laudem & gloriam vertatur. Ita quidem paucissimis erutum atq; expreßum huius Articuli sensum habemus, quantum simplicibus initio scire ac discere necesse est, & quid à Deo habemus & acceperimus, & quid pro acceptis bonis eidem vicissim debeamus. Quæ ingens & penè in estimabilius est cognitio, thesaurus tamen multò præstantior. Et enim hic planè videmus, quomodo Pater cum omnibus creaturis se nobis tradiderit, quamq; nos, quamdiu ha vita fruimur, rebus omnibus opulentissime instruimus, præterquam quòd ineffabilibus & æternis bonis per Filium suum ac Spiritum sanctum amplissime cumularit, ut in sequentibus audiemus.

ARTICVLVS II.

Et in Iesum Christum, Filium eius unicum, Dominum nostrum, qui conceptus est de Spiritu sancto, natus ex Maria virgine, passus sub Pontio Pilato, crucifixus, mortuus & sepultus. Descendit ad inferos, tertia die resurrexit a mortuis. Ascendit ad cœlos, sedet ad dexteram Dei Patris omnipotentis: Inde venturus est iudicare viuos & mortuos.

Hoc loco secundam diuinitatis personam discimus cognoscere, ut videamus, quid præter bona temporalia priùs enumerata D[omi]n[u]s nobis largiri soleat, nempe, quomodo omnes bonitatis suæ ac diuinarum thesaurorum semel nobis effuderit, nihilq[ue]; sibi reliquum fecerit, quod nobis vtendum fruendumq[ue]; non impertierit. Iam hic articulus quoq[ue]; latè patet, estq[ue]; planè fœcundissimus. Verùm vt & hunc breuiter ac pueriliter discutiamus, vnum verbum sumemus, quo totius rei summam complectemur, nempe (sicut dictum est) vt ex hoc discamus, quomodo per Christum ab omni maledictione liberati simus, quod hisce verbis nititur: **E**t in IESVM CHRISTVM, Filium eius unicum, Dominum nostrum, &c.

Iam ergo interrogatus à quopiam: Quid credis in secundo Articulo de Iesu Christo? Ad hunc modum responde paucissimis: Ego credo, Iesum Christum verum Dei Filium, Dominum meum esse factum. Quid hoc sibi vult, fieri Dominum? Hoc est, quod melibarit sanguine suo à peccatis, diabolo, morte, & omni exitio. Ante enim neq[ue]; regem habebam neq[ue]; Dominum, sed sub diaboli potestate atq[ue]; imperio captiuus tenebar, ad mortem condemnatus, inq[ue]; peccatis ac cæcitate irretitus.

*Secunda
persona di-
uinitatis.*

*Doctrina
secundi ar-
ticuli de re
demtione
generis hu-
mani, &
beneficij
filij Dei.*

Iam